



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XXV. Pro custodia Librorum Capellæ Pontificiæ.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

§. 5. Non obstantibus præmissis, ac Constitutionibus, & ordinationibus Apostolicis, nec non quibusvis etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanfuris ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 6. Volumus autem, ut ipsarum præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum, tam in Judicio, quam extra illud habeatur, quæ ipsis præsentibus haberetur si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die XXI. Octobris MDCXC. Pontificatus Nostri Anno Secundo.

XXIV.

Confirmatur, & innovatur Constitutio Urbani VIII. approbans Constitutiones contra occupantes, vel ad alios usus convertentes bona Locorum Terræ Sanctæ.

De hujusmodi locis vide Const. ed. 1690. Octob. 21. Pont. 2. & Inn. XII. Const. ed. 1695. Febr. 24. Pont. 5.

ALEXANDER PAPA VIII.

Ad futuram rei memoriam.

Dat. 10. Nov. 1690. An. 2.

Exordium.

EX injuncto nobis cælitus Apostolicæ servitutis munere illa, quæ a Romanis Pontificibus prædecessoribus nostris pro fidei bonorum ad sacra loca spectantium conservacione piè, provideque emanasse noscuntur, ut solidiori robore perrennent, Apostolice muniminis nostri præsidio, cum id a nobis petitur, libenter constabimus.

Summa Constitutionis Urbani VIII. confirmantis illas Sixti V., Pauli V., & Greg. XV.

§. 1. Dadum siquidem fel. rec. Urbanus PP. VIII. prædecessor noster piorum locorum tam in Civitate Hierusalem, quam extra eam in tota Terra Sancta existentium indemnitati consulere volens, re. me. Sixti V. & Pauli etiam V., ac Gregorii XV. Romanorum Pontificum prædecessorum nostrorum, tunc suorum in simili forma Brevis literas super prohibitione quibusvis personis facta sub excommunicationis Majoris latæ sententiæ pena, ne quævis bona ad loca præfata spectantia indebite apud se retinerent, vel in alios usus, etiam quantumvis pios, & urgentes converterent, vel alias quoquo modo distraherent, emanatas auctoritate Apostolica confirmavit, & approbavit; & nihilominus omnibus, & singulis utriusque sexus personis cujuscumque dignitatis, status, gradus, ordinis, & conditionis in virtute Sanctæ Obedientiæ, ac sub eadem excommunicationis majoris latæ sententiæ pena, a qua non nisi ab eo, vel Romano Pontifice pro tempore existente præterquam in mortis articulo absolvi possent, districte præcepit, & mandavit, ne de cætero cujuscumque generis bona ad loca hujusmodi spectantia quovis prætextu, causa, vel occasione apud se retinere auderent, seu præsumerent, sed illa eisdem locis seu illorum Agentibus realiter, & cum effectu restituerent, & alias, prout uberius continetur in ipsius Urbani Prædecessoris literis desuper in eadem forma Brevis expeditis, tenoris, qui sequitur, videlicet: Urbanus PP. VIII. Ad perpetuam rei memoriam. Alias (reliqua vide

suo loco) Datum Romæ apud S. Petrum sub Annulo Piscatoris die 18. Junii 1644. Pontificatus nostri anno vigesimo primo. M. A. Marialdus.

§. 2. Cum autem sicut dilectus alius Bernardus Josephus a Jesu Maria fr. expresse professus Ordinis Minorum Sancti Francisci de Observantia Reformatorum nuncupatorum, ac Charissimi in Christo filii nostri Caroli Hispaniarum Regis Catholici Concionator, nec non Tribunalis Sanctæ Inquisitionis Qualificator, ac Commissarius, & Procurator Generalis in Romana curia totius familiæ ejusdem Terræ Sanctæ nobis nuper exponi fecit in diversis Christiani orbis partibus plerique res, & bona ad loca hujusmodi spectantia non sine gravi animarum suarum pernicie, ac eorundem locorum damno occupare minime timeant, ac proinde ipse Bernardus Josephus quo præfata Urbani Prædecessoris literæ exactius de cætero observentur, illas per nos confirmari, & innovari plurimum desideret: Nos piis ejusdem Bernardi Josephi votis hac in re quantum cum Domino possumus, benigne annuere, ipsamque Bernardum Josephum specialibus favoribus, & gratiis prosequi volentes, & a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis si quibus quomodolibet innodatus extitit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, præinsertas Urbani prædecessoris literas, omniaque, & singula in eis contenta, dictæ auctoritate tenore præsentium approbamus, & confirmamus, ac innovamus, illisque inviolabilis Apostolicæ firmitatis robur adjicimus.

excommunicationis majoris Pontifici reservatæ. Preces Commissarii, & Proc. gen. Minor. de Obs. Terræ S.

Confirmatio, & innovatio relatæ Constitutionis Urbani VIII.

Clausulæ.

§. 3. Decernentes pariter ipsas præsentis literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab illis respective inviolabiliter, & inconcusse observari: Sicque in præmissis per quoscumque Judices ordinarios, & delegatos etiam causarum Palatii Apostolici Auditores, judicari, & definiiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & ordinationibus Apostolicis, nec non omnibus, & singulis illis, quæ in præinsertis Urbani Prædecessoris literis concessa sunt non obstat, cæterisque contrariis quibuscumque.

§. 4. Volumus autem, ut earundem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die X. Novembris MDCXC. Pontificatus nostri Anno Secundo.

Eduntur quædam Ordinationes pro tutiori custodia librorum Capellæ Pontificiæ.

XXV.

Extat alia Ordinatio Innoc. XI. Constitut. ed. 1687. Octob. 15. Pont. 12., & Inn. XII. Const. ed. 1699. Julii 16. Pont. 9. confirmantur quedam Decreta.

ALEXANDER PAPA VIII.

Ad futuram rei memoriam.

Dat. 14. Nov. 1690. An. 2.

Constitutio Urbani VIII. contra occupantes dd. bona sub pœna

Exponi Nobis nuper fecerunt dilecti filii Collegium, & Cantores Capellæ nostræ, quod

Constitutio Inn. XI. contra extrahen-

1690.
res libros ex
Capellæ Ar-
chivio.

alias pro parte tunc existentis Magistri Collegii, & Cantorum hujusmodi fel. rec. Innocentio Papa XI. prædecessore nostro exposito, quod occasione Inventarii librorum musicalium ad dictam Capellam spectantium non ita pridem per ipsum confecti, plura dictorum librorum folia in quibus diversa Missarum primordia descripta erant, seu etiam in quibus figuræ nonnullæ affabre, & singulari artificio depictæ reperiebantur, ac forsitan integra volumina ex Archivio, seu custodia dictæ Capellæ in grave ejusdem Capellæ præjudicium temere sublata fuisse repertum fuerat: idem Innocentius prædecessor dictorum librorum conservationi consulere, necnon ejusmodi malis in posterum occurrere volens, ne de cætero quisquam quavis auctoritate, vel superioritate, aut officio fungens, libros musicales, quinterniones, chartas, & alia folia quæcumque sive impressa, sive manu scripta, tam eatenus in Archivio, seu custodia hujusmodi pro servitio dictæ Capellæ collocata, donata, seu alias assignata, quam in posterum forsitan collocanda, donanda, & assignanda sub quovis quæsito colore, prætextu, ingenio, causa, ratione, & occasione præterquam ad effectum illos, seu illa ad suprascriptam Capellam pro usu Cantorum præfatorum deferendi ex Archivio, seu custodia hujusmodi extrahere, & asportare, seu ut extraherentur, & asportarentur permittere, aut consentire auderet, seu præsumeret, sub pena excommunicationis latae sententiæ per contrafacientes eo ipso absque alia declaratione incurren. Apostolica auctoritate interdixit, prohibuit, voluitque insuper, ut præfato usu finito libri prædicti in Archivio, seu custodia hujusmodi sub eadem excommunicationis pœna illico reponerentur, & alias prout in ipsius Innocentii prædecessoris, desuper in simili forma Brevis die 15. Octob. 1687. expeditis literis, quarum tenorem præsentibus pro plene, & sufficienter expresso, & inserto haberi volumus uberius continetur. Subinde vero cum ejusdem Innocentii prædecessoris iussu contra scientes, & non revelantes, retinentes, occupantes, & non restituentes bona mobilia scripturas publicas, & privatas fidem tamen facientes, libros musicales, quinterniones, chartas, & alia folia impressa, sive manu scripta, Constitutiones, & Literas Apostolicas, diplomata, aliaque similia ad dictam Capellam spectantia quædam Monitoriales literæ pro restitutione, & revelatione respective rerum hujusmodi sub simili excommunicationis pœna publicata fuissent, vigore earundem literarum monitorialium plurimi libri musicales, diplomata, literæ Apostolicæ, Diaria, folia, aliaque similia restituta, ac reportata, & in Archivio, seu custodia hujusmodi collocata fuerunt.

Item Monitorium contra occupantes, vel non revelantes bona d. Capellæ.

Preces Collegii, & Cantorum.

§. 1. Cum autem, sicut eadem expositio subjungebat, conversationi, & manutentioni librorum, aliarumque scripturarum hujusmodi sufficienter adhuc consultum minime reperitur: Nobis propterea dicti Exponentes humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

Ordinationes pro tutiori librorum custodia.

§. 2. Nos igitur Capellæ præfate indemnitati quantum Nobis ex alto conceditur, uberius prospicere, ipsosque exponentes specialis favore gratiæ prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes hujusmodi supplicationibus inclinati, ut Custos librorum pro tempore existens Capellæ præfate idoneam fidejussionem de libris hujusmodi alijs

ve cujusvis generis Scripturis ad eandem Capellam spectantibus fideliter custodiendis, iisque successori suo in officio, sive ipsi Collegio Cantorum restituendis juxta morem Capellæ prædictæ præstare, necnon juramentum, tam de officio suo, juxta Apostolicas, & dictæ Capellæ Constitutiones diligenter exequendo, quam de primodictis Innocentii prædecessoris literis inviolabiliter observandis similiter emittere debeat, auctoritate Apostolica tenore præsentium statuimus, & ordinamus. Præterea Magistrum, cæterosque Collegii suprascripti Officialium singulis annis per secreta suffragia de more eligendos eodem jurejurando adigi volumus. Ipso autem potissimum eorumdem Officialium electionis tempore, libros, & Scripturas hujusmodi cum suis respective inventariis conferri, factaque ejusmodi collatione, si quæ addenda fuerint, addi; ipsaque inventaria per eos, ad quos spectat, subscribi, iisque respective tradi, & consignari, eadem auctoritate harum serie præcipimus, & mandamus. Demum Archivi, seu custodia dictæ Capellæ alteram clavem per custodem librorum, alteram per Magistrum, tertiam per Punctatorem pro tempore existentem Capellæ suprascriptæ fideliter retinendas esse, adeout nulli personæ cujuscumque status, gradus, ordinis, conditionis, præminentiae, ac dignitatis existat ab eis claves ipsæ committi valeant, dicta auctoritate earundem tenore præsentium decernimus, & ordinamus.

§. 3. Decernentes pariter easdem præsentibus Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inviolabiliter observari: si que, & non aliter in præmissis per quoscumque Judices Ordinarios, & Delegatos, etiam Caesarum Palatii Apostolici Auditores, ac S. R. E. Cardinales, & alios quoslibet quacumque præminentia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, ac quatenus opus sit dictæ Capellæ, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, Indultis, & Literis Apostolicis, etiam Cardinalibus Protectoribus, & Cantoribus dictæ Capellæ, ac quibusvis alijs sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, & Decretis, etiam irritan., & motu proprio, seu alias in contrarium præmissorum forsitan quomodolibet concessis, approbatis, & innovatis. Quibus omnibus, & singulis, etiam pro illorum sufficienti derogatione de illis, eorumque totis tenoribus specialis, specifica, individua, & expressa, non autem per Clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores præsentibus pro plene, & sufficienter expressis, & forma in illis tradita pro servata habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscat. die XIV. Novemb. MDCXC. Pontificatus nostri Anno Secundo.

Clausula.

Con-